



UNIVERSITÄTS-  
BIBLIOTHEK  
PADERBORN

**Stella Benedictina Sive Regula Sanctissimi Patris Nostri  
Benedicti**

**Meyenschein, Benedikt**

**Hildesii, 1725**

**VD18 10311831**

Cap. I. De generibus Monachorum. Quadruplices dantur Monachi, sed rite probantur Soli Claustricolæ, vix & Eremicolæ.

---

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

- b) *Id est severius.*  
 c) *Subaudi, hæc institutio.*  
 d) *Sive non statim.*  
 e) *Vel incipienda.*  
 f) *Id est, quò diutius in religioso instituto firmâ cum fide & fiducia in Deum versamur.*  
 g) *Id est, hilari.*  
 h) *Intellige, Dei.*  
 i) *Alia lectio: participemtis, seu participes fiamus.*  
 l) *Idem.*

8. JAN. 9. MAJI. 8. SEPTEMB.

Incipit Regula Ss. Patris nostri

B E N E D I C T I.

C A P U T I.

*De generibus vel vitâ Monachorum.*

**M**onachorum a quatuor esse genera b, manifestum est. Primum Cœnobitarum c, hoc est Monasteriale, militans sub Regulâ vel d Abbate. Deinde

de secundum genus est Anachoretarum, id est, Eremitarum, horum, qui non conversionis fervore novitio, sed Monasterii *f* probatione diuturnâ didicerunt contra diabolum, multorum solatio *g* jam docti, pugnare; & bene instructi, fraternâ ex acie *h* ad singularem *i* pugnam eremi *l*, securi, jam finè consolatione *m* alterius, solâ manu vel brachio *n* contra vitia carnis vel *o* cogitationum Deo auxiliante sufficiunt pugnare. Tertium verò Monachorum teterimum *p* genus est Sarabaitarum *q*, qui nullâ Regulâ approbati, experientiâ Magistrâ *r* sicut aurum in fornace, sed in plumbi *s* naturam molli, adhuc operibus servantes sæculo fidem, mentiri Deo per tonsuram *t* noscuntur. Qui bini aut terni, aut certè singuli finè Pastore *u*, non Dominicis *x*, sed suis inclusi *y* ovilibus: pro lege eis est desideriorum voluptas; cùm, quidquid putaverint vel elegerint, hoc dicunt sanctum, & quod noluerint, putant non licere. Quartum verò genus est Monachorum, quod nominatur Gyrovagum *z*, qui to-  
tâ

tâ vitâ suâ per diversas provincias ternis  
 aut quaternis *aa* diebus per diversorum  
 cellas hospitantur, semper vagi & nun-  
 quam stâbiles, & propriis voluptatibus  
 & gulæ illecebris servientes, & per omnia  
 deteriores *bb* Sarabaitis. De quorum  
 omnium *cc* miserrimâ conversatione  
 melius est filere, quàm loqui. His er-  
 go omissis, ad Cœnobitarum *dd* fortis-  
 simum *ee* genus disponendum, adju-  
 vante Domino, veniamus.

- a) *Nomen Monachus Eugenio Papæ apud  
 Gratianum sonat idem, quod μόνος ἄχος,  
 id est, unus tristis. A Concilio Nicæno  
 Monachus græcè, latinè singularis dici-  
 tur. Juxta S. August. Hieron. &c. deri-  
 vatur à μόνος, ac sonat idem, quod unus,  
 solus, vel solitariam vitam ducens. Ex  
 quibus Bellarm. infert, propriè Monachos  
 non esse, nisi eos Religiosos, qui soli vitæ  
 contemplativæ dant operam.*
- b) *Tempore scilic. S. BENEDICTI: ac duo  
 quidem bonorum & verè talium, duo au-  
 tem malorum solâ specie talium.*
- c) *Vox derivata à κοινός communis, & βίος  
 vita,*
- d) τὸ

- d) Tò vel non sumitur disjunctivè, sed copulativè pro et, quod ipsum fit in pluribus aliis locis.
- e) Sic dictorum à verbo ἀναχωρέω secedo, eo quod ab omni humano consortio secedant, ut rerum Divinarum contemplationi liberius vacent: Eremitæ verò à nomine ἔρημος desertum.
- f) Monasterium & Cœnobium ex Cassiano differunt in hoc, quòd prius denotet præcisè habitaculum Monachorum, etiam unius; Cœnobium verò etiam rationem vivendi, idque in communitate plurium: sumuntur tamen passim, sicut & in sacra Regulâ pro eodem.
- g) Id est, auxilio; puta consilio, adhortatione, exemplo, &c.
- h) Intellige, ex communitate Religiosâ, quæ diabolo terribilis est ut castrorum acies ordinata.
- i) Id est, à singulis sive ab unoquoque solo obeundam.
- l) Sive in eremo.
- m) Hoc est, sinè ope.
- n) Id est, soli per vires proprias, non quidem naturæ, sed gratiæ.

o) Par-

- o) Particula vel sumitur iterum copulativè pro et.
- p) Sive deterrimum, id est, pessimum, turpissimum.
- q) Id est, sibi viventium, sic dictorum linguâ Ægyptiacâ, quòd seipso à disciplinâ Cœnobicâ sequestrarent, & genio suo viverent, ex Cassiano & Isidoro Hispalensi. Alii apud Gazæum derivant ab Hebraico Saravim, quod rebelles significat.
- r) Alii legunt Magistri, intellige in Nominat. plurali.
- s) Alii legunt implumbi, sed malè. Sensus autem est, quod sint apparenter boni ac probi, sicut aurum in fornace probatum ac purificatum; reipsâ verò quasi plumbum molitum, quod statim iterum indurescit, vel, si auro argentove purificando admisceatur, in fumum abire consuevit.
- t) Utpote insigne Religiosorum, quales se tamen opere ipso non exhibent.
- u) Id est, Superiore legitimo.
- x) Subaudi, ovilibus, id est, claustris Deo dicatis.
- y) Subintellige, sunt.

z) Id

z) *Id est, vagans in gyrum, seu circumiens per alia & alia Monasteria: quam ob rem à S. August. Circumcelliones dicuntur.*

aa) *His enim olim finiebatur hospitalitas; & qui diutius morari volebant, ad communia onera astringebantur.*

bb) *Quia non manent stabiliter in cellis suis nec vivunt de proprio labore, ut Sarabaitæ, ac percurrendo diversa loca mala suæ vitæ exemplo plurimos depravant. Ex Turrecrem.*

cc) *Intellige, Gyrovagorum & Sarabaitarum.*

dd) *Ex quibus secundum textum cap. præsentis postmodum generantur Anachoreta seu Eremitæ.*

ee) *Tum quia vis unita fortior, maximè propter mutua subsidia; tum ob participationem bonorum ac gratiarum in Societate; tum denique, quia vita Eremitica periculosior est, neque tot habet occasiones tot virtutum, quot habet Cœnobitica. Ex S. Basilio.*